

BOSNA I HERCEGOVINA - БОСНА И ХЕРЦЕГОВИНА

Agencija za razvoj visokog obrazovanja  
i osiguranje kvaliteta/kvalitete  
Bosne i Hercegovine  
Banja Luka



Агенција за развој високог образовања  
и обезбјеђивање квалитета  
Босне и Херцеговине  
Бања Лука

*Agency for Development of Higher Education and Quality Assurance of Bosnia and Herzegovina*

Broj: 05-33-1-54-44/20

Datum: 08.01.2021. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku akreditacije visokoškolske ustanove **Univerzitet u Travniku**, a na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i osiguranje kvaliteta BiH (u daljem tekstu: Agencija) daje:

## PREPORUKU

o akreditaciji visokoškolske ustanove **Univerzitet u Travniku**

### Obrazloženje

Dana 31.01.2020. godine Agencija je zaprimila od Ministarstva obrazovanja, nauke, mladih, kulture i sporta Srednjobosanskog kantona, (u daljem tekstu: Ministarstvo) Prijedlog za imenovanje komisije stručnjaka za akreditaciju visokoškolske ustanove Univerzitet u Travniku, broj: 03-38-195/19-2 od 30.01.2020.godine u kojem je predloženo da Agencija imenuje Komisiju stručnjaka, a u vezi sa zahtjevom za reakreditaciju visokoškolske ustanove Univerzitet u Travniku. Kao prilog Prijedlogu, dostavljeni su: Zahtjev za reakreditaciju Univerziteta u Travniku, te samoevaluacijski izvještaj u printanoj i elektronskoj formi. Agencija je, postupajući u skladu s Instrukcijom o načinu imenovanja komisije stručnjaka za akreditaciju, 05-02-1-71-1/16 od 28.1.2016.godine, nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11 i 26/19) u skladu sa članom 49. alineja 4) Okvirnog zakona, imenovala Komisiju stručnjaka Rješenjem broj: 05-33-1-54-4/20 od dana 17.05.2020. godine.

Zbog složene epidemiološke situacije u Bosni i Hercegovini i regionu u momentu organizovanja posjete komisije stručnjaka predmetnoj visokoškolskoj ustanovi, međunarodni stručnjak nije bio u mogućnosti da prisustvuje posjeti, te je ista obavljena u sastavu od četiri preostala člana komisije stručnjaka.

[www.hea.gov.ba](http://www.hea.gov.ba), e-mail: [info@hea.gov.ba](mailto:info@hea.gov.ba)

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

Komisija stručnjaka je dana 05.08.2020.godine Agenciji dostavila Izvještaj o eksternoj evaluaciji visokoškolske ustanove **Univerzitet u Travniku**, radi izdavanja preporuke o akreditaciji visokoškolske ustanove. Uz izvještaj Komisije stručnjaka dostavljena je i izjava međunarodnog člana kojom je potvrdio da je sa njim izvršeno ustaglašavanje mišljenja o ocjenama ispunjenosti kriterija kao i o preporukama o unapređenju predmetne visokoškolske ustanove.

Prema mišljenju Agencije odsustvo međunarodnog člana dovodi u pitanje pravne valjanosti akreditacijskog postupka, te je obavljena dodatna posjeta dijela Komisije stručnjaka, kako bi međunarodni član dobio neposredan uvid o ispunjenosti kriterija.

Aneks izvještaja kao sastavni dio konačnog izvještaja Komisije stručnjaka dostavljen je Agenciji dana 23.09.2020.godine.

Uvidom u Izvještaj i Ankes izvještaja, utvrđeno je sljedeće:

- formalna cjelovitost Izvještaja;
- da su Izvještaj i Aneks izvještaja napisani na jednom od službenih jezika u Bosni i Hercegovini i engleskom jeziku, te
- da su napisani u skladu sa Odlukom o normama i Odlukom o kriterijima.

U skladu s Odlukom o normama, Komisija stručnjaka je ocjenila ispunjenost deset kriterija za akreditaciju opisnim ocjenama, kako slijedi:

- a) Politika osiguranja kvaliteta: *potpuno ispunjen*
- b) Izrada i odobravanje programa: *potpuno ispunjen*
- c) Učenje, podučavanje i vrednovanje usmjereni na studenta: *potpuno ispunjen*
- d) Upis i napredovanje studenata, priznavanje i certificiranje: *potpuno ispunjen*
- e) Nastavno osoblje: *potpuno ispunjen*
- f) Resursi za učenje i podrška studentima: *potpuno ispunjen*
- g) Upravljanje informacijama: *potpuno ispunjen*
- h) Informisanje javnosti: *potpuno ispunjen*
- i) Kontinuirano praćenje i periodična revizija programa: *potpuno ispunjen*
- j) Periodično vanjsko osiguranje kvaliteta: *potpuno ispunjen*

U cilju postupanja Agencije u skladu sa članom 49. alineja 5) Okvirnog zakona, u smislu izdavanja preporuke za predmetnu visokoškolsku ustanovu, te kako bi se na odgovarajući način mogla steći ukupna slika o ispunjenosti zahtjeva kriterija, propisanih u Odluci o kriterijima, i datih ocjena Komisije stručnjaka u Izvještaju, Agencija je postupila u skladu sa članom 4. Instrukcije o davanju preporuke, te aktom broj: 05-33-1-54-35/20 od 08.10.2020.godine, od Komisije stručnjaka dodatna pojašnjenja u smislu davanja analitičkog osvrta na ispunjenost zahtjeva kriterija uz davanje konkretnih primjera implementacije procedura u smislu njihove efikasnosti, načina provođenja i eventualnih unapređenja kao rezultata praktične primjene tih procedura, kao i da se napravi osvrt na prethodni proces akreditacije, kroz praktične primjere unapređenja unutrašnjeg sistema osiguranja kvaliteta kao rezultata implementacije preporuka

prethodne komisije stručnjaka. Dana 29.10.2020.godine Agenciji je dostavljeno pojašnjenje Izvještaja Komisije stručnjaka.

Agencija je dana 21.12.2020.godine, postupajući u skladu sa članom 7. stav 2. Instrukcije o načinu davanja preporuke o akreditaciji visokoškolskih ustanova, uputila Komisiji stručnjaka zahtjev za pojašnjenjem Izvještaja, a koji ne isključuje mogućnost da Komisija stručnjaka dodatno ima određena razmatranja i redefiniranja informacija i dokaza koji se odnose na koherentnost ocjena ispunjenosti kriterija i podkriterija u kontekstu primjerenosti svrhe datih preporuka za unapređenje.

Odgovor Komisije stručnjaka dostavljen je dana 05.01.2021.godine i protokolisan pod brojem 05-33-1-54-41/20. Analizirajući dostavljeni dopunjeni Izvještaj, utvrđeno je da je Komisija stručnjaka ispoštovala zahtjeve Agencije, te ih ocijenila ka opravdanim u kontekstu zadovoljavanja ESG standarda.

Uvidom u dostavljeni finalni Izvještaj Komisije stručnjaka utvrđeno je slijedeće:

- formalna cjelovitost izvještaja i
- da je napisan u skladu sa Odlukom o normama i Odlukom o kriterijima.

U skladu s Odlukom o normama, Komisija stručnjaka je ocijenila ispunjenost deset kriterija za akreditaciju opisnim ocjenama, kako slijedi:

- a) Politika osiguranja kvaliteta: *potpuno ispunjen*
- b) Izrada i odobravanje programa: *potpuno ispunjen*
- c) Učenje, podučavanje i vrednovanje usmjereni na studenta: *potpuno ispunjen*
- d) Upis i napredovanje studenata, priznavanje i certificiranje: *potpuno ispunjen*
- e) Nastavno osoblje: *potpuno ispunjen*
- f) Resursi za učenje i podrška studentima: *potpuno ispunjen*
- g) Upravljanje informacijama: *znatno ispunjen*
- h) Informisanje javnosti: *znatno ispunjen*
- i) Kontinuirano praćenje i periodična revizija programa: *potpuno ispunjen*
- j) Periodično vanjsko osiguranje kvaliteta: *potpuno ispunjen*

Visokoškolska ustanova bi trebala po prijemu Rješenja o akreditaciji detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvata:

- imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima
- vremenski okvir za realizaciju preporuka kao i potrebne finansijske i ljudske resurse
- definisane mjerljive indikatore za praćenje realizacije Akcionog plana.

Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, **daje preporuku nadležnoj obrazovnoj vlasti da izda rješenje o akreditaciji visokoškolske ustanove Univerzitet u Travniku, sa rokom važenja akreditacije od pet (5)**

**godina**, te isto dostavi Agenciji radi postupka ocjene usklađenosti rješenja o akreditaciji s normama i kriterijima iz člana 48., alineja 1) Okvirnog zakona o visokom obrazovanju BiH.

**Direktor**

  
Prof. dr. Enver Halilović

Dostaviti:

- *Ministarstvo obrazovanja, nauke, mladih, kulture i sporta*  
*Srednjobosanskog kantona*
- *Univerzitet u Travniku*
- ⊖ *Sektor 05*
- *a/a*

